

22.6.58. 21
168
CLEMENTI VIII.

PONT. OPT. MAX.

HIERONYMVS VITALIS A LOBERA

Sacrae Theologiae Doctor, post sanctiss.

illius pedes deosculatos,
felicitem.



VM de Aduentante SPIRITV
SANCTO P. M. concio à me
habita coram Sanctitate Tua Ec
clesiae Procerum assistente Car
dinalium conuentu, si splendoris
quippiam prae se tulerit (taceo di
uina) ex Maiestatis tuae gloria se nactam esse sen
serit, non mirum, si secundo ad te, tuis & nomi
nis, & virtutum luminib. collustranda veniat, vt
tota collucens in lucem sic prodeat. Tum vel ma
xime, quia cum SPIRITVS SANCTVS ex splen
didissimis illis caeli Amphitheatris in sedem Apосто
licam, & in te praeeccelsum montē, in ea tamquam
in vertice montium sedentem, inauratae lucis suae
spicula nitore perpeti immittat; moerito haec de
SPIRITV SANCTO, sanctitati Tuae, sediq. Apo
stolicae consecratur oratio. Ad tuos itaq. sanctis
simos pedes ego procumbens, supreme Hierarcha,
hanc S. T. praesento orationem, qui & urbem, &
orbem sanctissimis, & institutis, & exemplis, infor
mare, amplificare, & condecorare, vigilanter curas.

A 2 Ipsiusq.

Ipſiusq. ſententijs. tamquam ſpicas quĩdam tibi
offero initio huius æſtatis, virentes illas quidem,
quia ex perlato animo oblatas, igne tamen Pa-
ternæ charitatis tuæ torrendas, oleo benedi-
ctionis perfundendas, ac tanti Pontificis orationis thu-
re adolendas; vt legentib. perſuauem præbeant gu-
ſtum SPIRITVS SANCTI. Quem ex animo præ-
cor, vt tam glorioſum Pontificatum in Eccleſiaſti-
co regno faciat quam diutiſſime præfulgere.

151

ORATIO HABITA DOMINICA PENTECOSTES.



ACRI PARACLETI SPIRITVS, P. B. Prae-
fulgentissimis quibusdam radijs, seu ^a sagittis ^a Esay. 4
electis, ac ^b fulgorantib. hastis, animosa Apo- ^b Abacuc
stolorum Christi pectora inurentis Aduentum ^c ambo sc
Augustissimū, multo iam ante inclyte praefigu- ^c sensum m
ratum, SANCTA MATER eademq. perpul- cum.

chra Christi SPONSA ECCLESIA, hodierna die toti orbi fau-
lissima, stata solemnq. caeremonia, alta voce intonat, grata re-
cordatione recolit, animis festiuissimis celebrat, tot tamq. prae-
luculentissimis condecorata donis, deuotissime veneratur. Sed dum
huius gloriosi Aduentus praeconia, coniunctissimosq. Ecclesiae
cum sponso suo amplexus castissimos aperire gestio, eundem
SANCTVM SPIRITVM exoro, vt pauida pectora in suas prae-
excellentissimas laudes anhelantia, ^e seraphico illo calculo sic ^e Esai. 6
accendat, vt fulgentissimus Aduentus sui decor corā tanta, tamq.
praeexcellenti Pontificia Maiestate, Amplissimoq. senatu conse-
dente, cunctis aspectantib. nobis in ore versetur.

Post illud singulare certamē, quo ille publicus propugnator, ac
Mysticus David ^d quinque limpidissimis ex passionis Torrente ^d 1. Reg
acceptis lapidib., praefulgentissimarum cicatricum pretiosissi-
mis pyropis Daemonē exuperasset; ac niueo splendore coruscās
CHRISTVS dominus caelos ascendisset. Ecclesia vero sponsa in
sacro Apostolorum coetu, veluti pulchra ^e Noēmi, seu speciosa ^e Ruth.
Judith suis cum ancillis intra coenaculi domum cōclusa, domi- ^f Judith.
no deuota moraretur; dum graui percussa ^g moerore imo de pe- ^g 10.
ctore gemitus educeret; ^b dum ieiuniorū myrrha, & aldē, sese ^g Io. 16.
perpurgaret; dum profundo meditationis pectine, ac inaurato ^h Haymon
contēplationis calamistro, discriminatos crines vitta passionis ^h Matth.
coccinea innodaret; dum septiformis gratiae rore, instar ⁱ cin-
cinnorum perchari sui sponsi, repleti exoptaret; mellifluoq. tan- ⁱ Luc 5.
dem osculo oris sui osculari (vt de eius inflāmato desiderio ante ⁱ Cant.
dominicum aduentum sacer scribit ^k Ambrosius) postulare. Ecce ^k Ambr.
CVM ESSENT OMNES PARITER IN EODEM LOCO; ^{c. i. in C.}
quasi iā statū aspirātis, & colles transiliētis spiritus praesentirēt. ^{canticoru}

A 3 Factus

1. 2. / Factus est repente de caelo sonus, tamquam aduenientis spiritus vehemētis, & repleuit totā domum, vbi erant sedentes. Et apparuerunt illis dispersitae linguae tamquam ignis, seditq. supra singulos eorum; & repleti sunt omnes Spiritu sancto, & coeperunt loqui varijs linguis, prout Spiritus sanctus dabat eloqui illis.

O praeclara praepotētis Dei beneficia, O immēſae charitatis inclſta munera, O ſancti Spiritus pretioſiſſima dona. * Enimvero Spiritus ſanctus, tertia in illa maxima venerandaq. Trinitate perſona, ex Patre, Filioq. in maiestate coaequalis, duratione quidē coaeternus, eiufdemq. virtutis, ſapientiae & bonitatis inefſabili quodam modo ab aeterno procedens, in tēpore tamquā ſol nimis properans, ex aureo quaſi conſurgens cubili, in monte Sion rutilantiſſimus apparet; eiufq. iubar Angelorum cunctis pericundum, diſcipulorum oculis ſuauiſſimē aſulget; & glorioſam cum Chriſto aureo inflammati amoris nodo * ſorore ſponſam aſtringit, qui Patrem & Filiū aeternae charitatis nexu indiſolubili cōnectit. Cum enim Pater Aeternus * à dieb. aeternitatis ſe, ſuaſq. diuinās attributiones infinitas, in infinitū videret in filio expreſſas; filius vero Patrem, ꝑ à quo ſemper gignitur, tamquam Prototypum abyſſali perſpicacia reſpiceret; Patre in tam per dilectō à ſe progenito filio mirum in modum ſibi ꝑ complacēte, nihil eo ſapientius, aut perfectius dicente; filio vero rurfus nihil Patre potentius, aut maius manifeſtante; ex hac immenſa amorum cognitione, tamquam ex duorum lapidum impetuoſa collisione, tanto ſunt diuini amoris, & charitatis flamine ſuccēſi, adeo peramanter iſti duo amantes ſeſe amplexati ſunt, vt Spiritū ſanctum tertiam in Trinitate perſonā, Communi Spiratione conſpirarint, & in hac permagna Solemnitate ſuauiſſimis melodijs in terras miſerint. Propterea, PATER BEATISSIME, cum illius magni trium vocum cātici fumermae Trinitatis, Patris, & Filij, ꝑ dilecti ex dilectō, duae voces auditae viderentur (vt eſt in Euangelicac narrationis ſacrario repositū) iam tertia Spiritus ſancti, (vt eſt in archiuio Apoſtolicae hitoriae reconditū,) melliflua ſentitur. Iam ꝑ vox turritis in terra noſtra auditur. Iā ꝑ columba cum viridi Oliuae ramo viſitur & deniq. quae in ſilentio delituerat, iam canoro ſono intonare, totaq. foecunda pullos ſuos candidos intima aſperſione foecundare ſentitur.

O ineffabilē Paracleti spiritus aduentum, O praeſulgentē altif-
ſimi folis rotā, O caeleſtis virtutis radios ſupra coenaculum col-
lucētes. Hac enim percelebri PENTECOSTE die SPIRITVS
SANCTVS diuini ſplēdorib, quos per illū expurgatiſſimū aērē
diuina

diuina arte sparsit, perinde ac nitidissimis carbunculis Aposto-
 licos illos vertices mirificè irradiauit; ignib. tamquam chryso-
 lithis quibusdam splendentissimis fideles illos christi discipulos
 inflammando, amanter sauciauit; nitorib. fere innumeris, tam-
 quam relucen- Sapphyris, gemmisq. vernantib. perpulchre
 adornauit; auro obrizo splendenti discipulorum ceruices ad
 Christi iugum suauē portandum, venustissime condecorauit; * Math. 1
 rufas Alabandinas quasi diuinæ formæ scintillas supra Chri-
 sticolarum comas emisit; carbonibusq. succensis tamquam Hy-
 cinthis fulgidis eos illustrauit; atq. ipsorum capitib. forantium
 donorum diademata Sardijs pretiosiora imponēdo, cum magnis
 * buccinarum inauditi iubilei clangorib. caelisq. tonantib. * Leuit. 2
 eos coronauit. Quid plura? Mirabile quidem dictū, visu tamen
 mirabilius, multis ac dispersitis, vt aperto pectore dicam, linguis
 tamquā fulgorib. clarescētib. resplēdens SPIRITVS SANCTVS,
 eiusq. Maiestas præfens, vt Magnus ille / Leo Papa, & in hoc for- y Serm. de
 san sancti Petri Sacratissimo templo est concionatus, supra Chri- tecolle.
 sti discipulos ad mundi vesperam volitat, qui in mūdi primordiis
 elemento aquæ purificatorio, vt disertissimus profert * Cypria-
 nus, superferbatur; & supra eorum singulos, tamquam supra cē-
 tum viginti thronos eburneos magno cum omnium gaudio, iubi-
 loq. * sedendo, requiescit. * Serm. de
ritu ss. & ;
dit locū G.

Sed quæ vox enarrare, quæue lingua digne depromere, ne
 dicam balbutiendo resonare valebit iucunditatem Ecclesiæ, quā
 SPIRITVS SANCTVS radijs potentiae fulgens, sapiētiæ cla-
 ritatib. rutilans, luminib. bonitatis elucescens, caeteris donis,
 fructibusq. dulcissimis circumfluens, diuinitatisq. luce coruscās,
 faustam ac iubilantē reddidit? Effugit planè oninem sermonem,
 atq. mentis humanæ sensum excedit iubilus ille, illa delectatio,
 illa festiuitas, illa exultatio, illa hilaritas, illud gaudium, illa chari-
 tas, ille deniq. Spiritus sancti fructus copiosissimus, b super mel
 & fauum dulci- b Psal. 18.
 or, ab Apostolis hac die perceptus, ac degustatus.

Ineffabilis vere pietas Saluatoris (vt * Augustini verbis vtat) c Aurea S. A
 nulloq. silentij velo obtegenda, hominem portauit ad caelum, & sententia ser
 Deum misit ad terras; abeuntem Christum non amissimus (incol- de miss. Spi-
 cat idem) & venientem spiritum (quasi conduplicato gaudio exci- tu ss. qui e
 pando) possidemus. ser. 183. de
tenip. & seru
item 185.

* Veni igitur Alme Spiritus, mentesq. nostras visita, vt pro-
 phetarum oracula, vt diuinorum cōcionatorum elogia, vt innu-
 mera scripturarū monumenta te ipsum aduentantem declamātia
 augustinus meditari valeamus. Ecce enim BEATISSIME PATER,
 * Mulier illa amicta sole, quæ modo, terrenis spretis affectib., d Amb. by
 mundanas potestates pedib. calcāt. Ecce lugubrib. modo exu- no 32.
 ta ve- e Apoc. 2.

t. 5.

l. 67.

ii. 63.

nr. 3.

int. 6.

fol. 47.

Aq. 2.

Mach. 6.

ta vestib., laetitiae & iucunditatis conchyliatis induta, & insignita ornamentis, oninib. mundi luminib. praestantior apparet. Ecce electae pulchritudinis sponsa, f candido & rubicundo sponso, tam innocentiae candore, quā charitatis purpura respondens. Ille lilij sanctitatis, & plagarum rosis redolet; Hae vero integerrimae puritatis, ac flagrantis martyrij desiderio emicuit. Ille cruore roseo in Parasceue suffusus apparet; ista caelestium gratiarum rore, in x pluuiae voluntariae segregatione, perfusa conspicitur. Rex ille praefulgidus, qui b tinctis vestib. de Bosra conscenderat caelos, vt clarissimos heroēs perfimiles sibi redderet, hodie regia, purpureaq. chlamide affabrè cōuestiuit; eosq. fulgentissimis hemicyclis circumfulsit, atque regia maiestate refulgere in coenaculi folio, & sedere & spectari fecit.

In hac celeberrima die Ecclesiae Primates, sapientia quidem praecelsi, patientia fortissimi, temperantia pulcherrimi, fama peregregij, perseuerantia constantissimi, innocētia candidissimi, omni deniq. virtutum splendore praenitentes, hodie constituti sunt 'pergloriosa mystici Salomonis i reclinatoria.

Quamobrem sacrosanc̃tam Ecclesiam, quasi b consurgentem auroram mentis oculis intueri, suspicere, & admirari non desistamus. Ecce enim de caelo descendit, tamquam Hierusalem sancta, ciuitas noua, à Deo parata, auro mundo ornata, & tamquā sponsa viro suo consecrata. Congratulemur ei, quia admiranda charitate affecta, sine maculis, & rugis hodie conspicitur.

Quid est igitur cur miretur, Principes Illustrissimi, classis Apostolica multis armorum praefulgentium potentij coarmata, sapientiae, & scientiae Dei auro oppleta, sacramentorum medicinis, & gratia sanitarum onusta, inuisibilib. virtutib. circumdata, pretiosissimis lapidib. donorum, gemmisq. virtutum, omni deniq. diuitiarum genere conferta, foelicitatis portum laeta, ferenaq. tranquillitate adeat flante Deo? Flatus liquidem diuinus ipius vela, mira quadam arte elaborata constat; atque è sacro Coenaculi portu (quo se post Magistri discessum receperant naues istae i Tharxis) in patentissimum huius mundi mare exire compellit; Illorumq. Apostolorum sacra praecordia, seu quaedā diuinitatis organa inflat, vt diuinas laudes, Deiq. magnalia, in omnib. totius mundi templis admirabiliter personent. Iamq. mihi ante oculos obuertatur exercitus ille Purpuratorum, quem vos Cardinales Amplissimi, coccineis istis vestib. in Ecclesiae theatris, mirabiliter exprimitis. Qui n Elephantibus illis, in Machabaeorum libris recensitis perfimiles, sanguine mori & vuae illiti, ad praelium acriter accurrunt; nam praestantissimi isti duces amoris vino inebriati, in Hierusalem ciuitatem, à Christo summa

premo militiae Magistro obsessam foelicissime irruunt. Quirimo militiae illius Archimagister Petrus, totius Ecclesiae Princeps, & Corypheus, quasi Moyses alter de monte Sion descendens, vna cum ordinis Leuitici, & Apostolici comilitonib. ad tantū conuersionis opus, fulgenti Christi vexillo expanso, & linguarum suarū gladijs strictis sic sese accinxit, vt hac vna, augustissima ꝓ die, tria hominum milia sub iugum Christi subegerit.

Exod.

Ast. 2.

Hunc ergo spiritum firmiora Ecclesiae Capita potauerunt; & tanto spiritu hi caeli Apostolici ornati, innuncias sere ecclesias, (quas taceo) doctrinae imbrib. & nasci, & germinare fecerunt; in quib. tamquam in officinis hi caelestes Aromatarij, pretiosiores liquores gratiarum largissime effuderunt. Hunc spiritum Martyres, inclyti Ecclesiae milites ebiberunt; qui in cruciatib., in tormentis, illius virtute fortiores effecti, ad supremum vsq. spiritum inuicti reperti sunt. Hunc spiritum Doctores, & verbi Dei feruentissimi praedicatores imbiberunt; qui mira dicendi copia, & vi, incredibili erga animas pietate, omnes ad iustitiam erudierunt. Hunc praeterea spiritum signis, atq. virtutib. praeclearissimī Confessores, quasi lac fuxerūt; qui vili tunica, & rigido cilicio ossa protegentes macilentia, in herbescētib. tegetib., illustres de inferorum principib. reportarunt victorias. Hunc item Virgines, ac honestissimarum puellarū chori, vltima potius supplicia tolerare paratae, quam virginitatis illibatae palmam impollutam, vt minimum amittere. Quae veluti vernantes rosae, ac candidissima lilia, instar pretiosissimi Christi floris, de tumulo in hortulo sito germinantis, & immaculatae virginitatis, & fragrantissimae in Christum charitatis redolerunt. Haec tandem fluente spiritus potauerunt, qui tot sacras religiones diuinis institutionib., tamquā monilib. ornatas, in Ecclesiastica Hierarchia erexerunt, approbatas à Sede Apostolica, in qua tu, PATER BEATISSIME, cum totius orbis applausu, hodierna die sedes. Hoc ergo spiritu PETRVS Apostolorū vertex, tamquam bellicum instrumentum puluere pyreo repletum, ad arcem Romani destinatur imperij, ad arces illas Capiolinas, tot regum spolijs opimas demolendas dirigitur. Et corporis sui trophaea in magnam Christi gloriam moriendo appendit, sedemq. supremam constituit; à qua omnes Ecclesiae tamquam compositae comae, dū huic inhaerescunt capiti, ordinatae semper fluunt, & delibatae conspiciuntur. His itaq. munerib., tamquam coelestib. dotib. coaugmentata ECCLESIA, tota sibi placens & laetabunda, profusisq. gaudijs exultans, alternis canticis, delicatissimis hymnis, elegantissimisq. poematis se supra se effert. Hanc festiuitatem, quasi festorum omnium coronidem celebrare satagit. Nam si Martyrum

Greg. I
hom. ad pu
bal. 2. l. 1.

Greg.
o. 1. 1. 1.
die Pent.

Iustissim:
hac celebri
Ecclesia Es
tadio.

rum

ostrophe
Illustris.
inales.

Cant. 1.

rum sacros triumphos , confessorum merita gloriosa , virginum
rutilantes coronas, Anachoritarū vitas odoriferas, tāta cum iu-
cūditate celebramus, quāta animi laetitia, hūc P E N T E C O S T E S
diem tot paraclesib. insignem, hunc Spiritus sancti illapsum, quo
quotidie sancti efficimur, sanctificare, & concelebrare tenemur?
Prouocemus ergo (Clarissimi Principes) spiritum istum no-
stris orationib. precib., vt ad nostram deueniat domum, contē-
damus. Ad huius Paracleti Aduentū cordis nostri domicilia prae-
paremus ; eaq. diuersis optimarum virtutum florib. exornemus ;
periucundis ac pretiosis fidei, & spei odorib. cōspergamus ; com-
punctionis myrrha, orationisq. incenso adornemus ; balsamo itē
beneuolentiae, & thymiamate fragrantissimae charitatis ; vt de-
structa in nobis Diaboli arce, in templum spiritus, & Dei commu-
temur, & illius digna habitacula inueniamur. Vt tam Beatus pro-
fecto Hospes SPIRITVS SANCTVS, qui Nitor Angelorum,
flagrantissimum incendium Apostolorum, Clypeus Martyrum,
victoria Athletarum, coelestium Doctrina concionatorum, Deli-
ciae Virginū, & Viduarum solatiū, Dulcedo Moerentium, & Sua-
uitas laetantium, totius deniq. Ecclesiae Decus, & Ornamentum
est, & dicitur ; tam nitido delectatus Hospitio, tam * florido ob-
lectatus lectulo, stabilem, firmam, atq. perpetuam, in nobis faciat
mansionem. . D I X I.

Laud Christo Iesu Mariae filio.

